

## সেকশন 7: ডিস্ট্রিক্ট পিতামাতা সংশ্লিষ্টতার নীতি (ডিপিআইপি)

(সকল টাইটেল ওয়ান স্কুলসমূহের জন্য আবশ্যিক)

**নির্দেশনা:** সকল টাইটেল ওয়ান ডিস্ট্রিক্টকে একটি ডিস্ট্রিক্ট টাইটেল ওয়ান প্যারেন্ট ইনভলভমেন্ট পলিসি (DPIP) করতে হয় যা টাইটেল ওয়ান পিতামাতা সংশ্লিষ্টতার শর্ত পূরণ করে। ডিপিআইপি বর্ণনা করবে আপনার ডিস্ট্রিক্ট কীভাবে কার্যকর পিতামাতার সংশ্লিষ্টতা কার্যক্রম এবং শিক্ষার্থী অ্যাকাডেমিক সাফল্য ও ডিস্ট্রিক্টের কার্যসম্পাদনা উন্নতির কৌশল পরিকল্পনা ও বাস্তবায়ন করবে।

**দ্রষ্টব্য:**

- কর্মপরিকল্পনায় পিতামাতা সম্পর্কিত বর্ণিত যেকোনো কার্যক্রম/কৌশল ডিস্ট্রিক্ট পিতামাতা সংশ্লিষ্টতা নীতিতে অন্তর্ভুক্ত করতে হবে।
- ডিস্ট্রিক্ট লিডারশিপ টিম সিগনেচার পেইজে নির্বাচকমণ্ডলী প্রতিনিধির স্বাক্ষর নির্দেশ করে যে ডিস্ট্রিক্ট প্যারেন্ট ইনভলভমেন্ট পলিসি পর্যালোচনা, প্রণয়ন ও অভিযোজনের সময়ে আলোচনা করা হয়েছে।
- সেকশন 2-তে সুপারিনটেনডেন্টের স্বাক্ষর: ডিস্ট্রিক্ট লিডারশিপ টিমের DLT) স্বাক্ষরের পৃষ্ঠা ডিএলটি-র ডিপিআইপি গ্রহণকে প্রত্যায়িত করে।
- ডিস্ট্রিক্ট পিতামাতা সংশ্লিষ্টতার নীতি কার্যকর রয়েছে এবং গ্রহণের তারিখ থেকে দুই অ্যাকাডেমিক বছরের জন্য গৃহীত হয় এবং প্রতি অ্যাকাডেমিক বছরে একবার করে পুনর্মূল্যায়ন করা হয়।

### ডিস্ট্রিক্ট 26 পিতামাতা সংশ্লিষ্টতার নীতি (DPIP)

কম্যুনিটি স্কুল ডিস্ট্রিক্ট 26

পিতামাতা সংশ্লিষ্টতার নীতি 2017-2019

ডিস্ট্রিক্ট 26-এর পিতামাতা সংশ্লিষ্টতার নীতি পিতামাতাকে সম্ভ্রাত, সংশ্লিষ্ট, এবং তাদের সম্ভ্রানের পাবলিক স্কুল অভিজ্ঞতার সাথে সম্পৃক্ত সকল বিষয়ে অবগত রেখে এবং স্কুল ও ডিস্ট্রিক্ট স্তর - উভয় ক্ষেত্রে পিতামাতাদেরকে গুরুত্বপূর্ণ পরিকল্পনা এবং সিদ্ধান্ত-গ্রহণ প্রক্রিয়ায় সক্রিয়ভাবে সংশ্লিষ্ট করে আমাদের স্কুল এবং আমাদের কম্যুনিটির সম্পর্ককে শক্তিশালী করে। নথিস্ট কুইন্সের অনন্য বৈচিত্র্যকে স্বীকৃতি প্রদান করে, আমাদের নীতি সকল পিতামাতার সহায়তায় ডিজাইন করা হয়েছে। পিতামাতাদের স্কুল লিডারশিপ টিম, প্যারেন্ট অ্যাসোসিয়েশন, প্রেসিডেন্টস কাউন্সিল এবং ডিস্ট্রিক্ট লিডারশিপ টিমের সদস্য হিসেবে অংশগ্রহণের জন্য উৎসাহিত করা হয়।

ডিস্ট্রিক্ট 26-এর PIP নিউ ইয়র্ক সিটি ডিপার্টমেন্ট অভ এডুকেশনের ফ্রেমওয়ার্ক ফর গ্রেট স্কুলস অ্যান্ড কম্যুনিটি টাইজের পঞ্চম উপাদানের সাথে সমন্বিত। এই নীতিটি আমাদের পরিবারবর্গের চাহিদার সমন্বিত মূল্যায়ন এবং পূর্বের ডিস্ট্রিক্ট পিতামাতা সংশ্লিষ্টতা কর্মসূচির কার্যকারিতা মূল্যায়নের নিরিখে পরিকল্পিত হয়েছে। ডিস্ট্রিক্ট 26 PIP তৈরি হয়েছে প্রেসিডেন্টস কাউন্সিল এবং ডিস্ট্রিক্ট লিডারশিপ টিমের পিতামাতা সদস্যদের সহযোগিতায়, তাদের সকলের সাথে পরামর্শক্রমে এবং তাদের নিজ নিজ এলাকার অধিবাসীদের মতামতের সমীক্ষা গ্রহণের পর।

শিক্ষা সম্পর্কিত গবেষণায় ধারাবাহিকভাবে দেখা গেছে যে পিতামাতা সংশ্লিষ্টতা ও শিক্ষার্থী সাফল্যের মধ্যে ইতিবাচক পারস্পরিক সম্পর্ক আছে। অতএব, ডিস্ট্রিক্ট 26 PIP-এর মূল লক্ষ্যসমূহের মধ্যে আছে:

- পিতামাতাকে কার্যকরী পিতামাতা দক্ষতা অর্জনে সহায়তাদানে হোম-স্কুলের পার্টনারশিপ গড়ে তোলা।
- কার্যকরীভাবে পরিকল্পনায় এবং সিদ্ধান্ত গ্রহণে সংশ্লিষ্ট হবার জন্য পিতামাতাকে তথ্য, ট্রেনিং, এবং সুযোগ প্রদান।
- সামাজিক এবং মানসিক কল্যাণে এবং পরিবারের সামগ্রিক মানসিক স্বাস্থ্যে সহায়তা প্রদান।
- পিতামাতা সচেতনতা বৃদ্ধি এবং শিক্ষা সমৃদ্ধি ও শিক্ষার্থী সাফল্যের উন্নতি সম্পর্কে তাদের ভূমিকা বোঝা।
- পূর্ণভাবে স্কুল কম্যুনিটির প্রতি ইতিবাচক পারিবারিক দৃষ্টিভঙ্গি গড়ে তোলা।

ডিস্ট্রিক্ট 26 ফ্যামিলি লিডারশিপ কোঅর্ডিনেটর এবং ফ্যামিলি সাপোর্ট কোঅর্ডিনেটর বিভিন্ন পারিবারিক সংশ্লিষ্টতার পরিকল্পনা ও সুযোগ সৃষ্টি করবে, ডিপার্টমেন্ট অভ এডুকেশন থেকে সকল পিতামাতা-সংশ্লিষ্ট গ্রুপের (প্যারেন্ট কোঅর্ডিনেটরস্, কমিউনিটি এডুকেশনাল কাউন্সিল, প্রেসিডেন্টস্ কাউন্সিল, ডিস্ট্রিক্ট লিডারশিপ টিম) কাছে প্রাসঙ্গিক তথ্য প্রচার করবে এবং প্রয়োজনবোধে তাদের সহায়তা দেবে, সময়মতো কার্যকরভাবে 311 পরিষেবার অনুরোধের জবাব দেবে, এবং পিতামাতা এবং সুপারিনটেনডেন্টের মাঝে লিঁয়াজো হিসেবে কাজ করবে।

স্কুলে দায়িত্বপ্রাপ্ত প্যারেন্ট কোঅর্ডিনেটরগণ স্কুল ও কমিউনিটির মাঝে সংযোগ হিসেবে কাজ করবেন। প্যারেন্ট কোঅর্ডিনেটররা প্রত্যেক স্কুল সাইটে পিতামাতাদের নিরূপিত চাহিদার ভিত্তিতে পিতামাতা কর্মশালার আয়োজন করবেন। এসব কর্মশালার বিষয়ের মধ্যে থাকতে পারে সন্তান লালনপালনের দক্ষতা, সামাজিক এবং মানসিক কল্যাণ, ইএনএল সহায়তা, বয়স্ক শিক্ষা, CCLS, নয়া পাঠক্রম সামগ্রী এবং বাড়িতে ছেলেমেয়েদের সহায়তা করায় পিতামাতাদের সামর্থ্য বৃদ্ধির জন্য পাঠক্রম ভিত্তিক কর্মশালা। প্যারেন্ট কোঅর্ডিনেটররা ডিস্ট্রিক্ট পিতামাতার সংশ্লিষ্টতা কর্মসূচিগুলোর কার্যকারিতা মূল্যায়নে সহায়তা করবেন।

আমাদের পিতামাতা সংশ্লিষ্টতার উপাদানগুলির পরিসর এবং গভীরতা ডিস্ট্রিক্ট 26 পরিবারসমূহের পরিবর্তনশীল এবং বিচিত্র চাহিদা পূরণ করে। আমাদের 2017-2019 DPIP লক্ষ্য অর্জনে, ডিস্ট্রিক্ট 26 যা করবে:

- ডিস্ট্রিক্টের অর্থায়িত কর্মসূচিসমূহ ও পিতামাতা সংশ্লিষ্টতার নীতি পরিকল্পনা, পর্যালোচনা ও উন্নত করার কাজে পিতামাতাদের সক্রিয়ভাবে সংশ্লিষ্টকরণ।
- ডিস্ট্রিক্ট লিডারশিপ মিটিংয়ে স্টেট ও ফেডারেল অর্থায়নে পরিচালিত কর্মসূচিগুলো নিয়ে পিতামাতাদের উদ্বিগ্ন নিরসন।
- সুপারিনটেনডেন্টের সাহট [superintendent@district26.org](mailto:superintendent@district26.org)-তে ইলেক্ট্রনিক যোগাযোগ বৃদ্ধি এবং স্কুল সম্পর্কিত পিতামাতার লিখিত চিঠি নিচের ঠিকানায় প্রেরণ:

কমিউনিটি স্কুল ডিস্ট্রিক্ট 26  
Ms. Danielle Giunta  
Community Superintendent  
61-15 Oceania St.  
Bayside, NY 11364

- ডিস্ট্রিক্ট লিডারশিপ টিম, প্রেসিডেন্টস্ কাউন্সিল, প্যারেন্ট টিচার অ্যাসোসিয়েশন এবং কমিউনিটি ডিস্ট্রিক্ট এডুকেশনকে প্রয়োজনবোধে সাহায্য ও সহায়তা প্রদান।
- স্কুল/ডিস্ট্রিক্ট ইমপ্রভমেন্ট লিঁয়াজো, সিনিয়র গ্রান্টস্ অফিসার, এবং/অথবা ফিল্ড সাপোর্ট সেন্টারের কাছে প্রয়োজন অনুযায়ী সহায়তা এবং টেকনিক্যাল অ্যাসিস্ট্যান্সের অনুরোধ জানানো।
- সকল প্যারেন্ট অ্যাসোসিয়েশনকে NYC DOE এক্সিলেন্স অ্যান্ড ইকুইটি ইনিশিয়েটিভস্, কলেজ এবং ক্যারিয়ার রেডিনেস, এবং টিচিং অ্যান্ড লার্নিং কৌশল বিষয়ে পিতামাতাদের জন্য কর্মশালার আয়োজন করবে।
- স্কুলবছরের শুরুতে একটি ডিস্ট্রিক্ট তথ্য বিনিময় ও পরিচিতিমূলক বৈঠক আয়োজন করবে।
- পিতামাতাদের ইমেইল যোগাযোগের তালিকা সংরক্ষণ, হালনাগাদকরণ, এবং বৃদ্ধি করে, এবং ডিস্ট্রিক্ট 26 ([district26.org](http://district26.org)), টুইটার এবং ইনস্টাগ্রাম অ্যাকাউন্ট (@D26Team)-এর মাধ্যমে ডিজিটাল যোগাযোগ রক্ষা এবং সংযোগ বৃদ্ধি অব্যাহত রাখা।
- চ্যাম্পেলরের প্রবিধান A-655 and A-660-তে উল্লিখিত সকল বিষয় এবং শর্তে যাতে স্বচ্ছতা নিশ্চিত হয় সেসম্পর্কে স্কুল লিডার/প্রিন্সিপ্যালদেরকে সহায়তা প্রদান।
- শিক্ষার্থীদের সাফল্যের স্তরে পৌঁছাতে পাঠক্রম কেন্দ্রিক কর্মশালা প্রদানে স্কুল-ভিত্তিক প্রচেষ্টাকে সহায়তা প্রদান, প্যারেন্ট-টিচার আলোচনাকে উৎসাহিত করা, এবং হোম-স্কুল প্রসারিত কর্মকাণ্ডে শিক্ষাদান।
- ট্রান্সলেশন অ্যান্ড ইন্টারপ্রেশন পলিসি বাস্তবায়নে স্কুলগুলোর জন্য ডিস্ট্রিক্টের নির্দেশাবলি ও কারিগরি সহায়তা এবং তা অব্যাহত রাখা। অনুবাদ করতে হবে এমন বেশিরভাগ গুরুত্বপূর্ণ তথ্যের অনুবাদ NYC ডিপার্টমেন্ট অভ এডুকেশন জোগাবে। অন্যান্য গুরুত্বপূর্ণ ডিস্ট্রিক্ট এবং স্কুল চিঠিপত্রের অনুবাদ ডিস্ট্রিক্ট

অথবা স্কুলকে করতে হবে। ট্রান্সলেশন অ্যান্ড ইন্টারপ্রেটেশন পলিসি সম্পর্কিত সুনির্দিষ্ট প্রশ্ন ট্রান্সলেশন অ্যান্ড ইন্টারপ্রেটেশন ইউনিটের ডিরেক্টরের কাছে 718-752-7373 নম্বরে বা [translations@schools.nyc.gov](mailto:translations@schools.nyc.gov) ঠিকানায় করা যেতে পারে।

- যখনই সম্ভব পিতামাতাদের অনুষ্ঠানের জন্য অনুবাদ এবং দোভাষ সুযোগ প্রদান অব্যাহত রাখা। যখন প্রয়োজন অথবা অনুরোধক্রমে ডিস্ট্রিক্ট সামগ্রীর অনুবাদ, এবং ডিস্ট্রিক্ট অনুষ্ঠানসমূহের দোভাষ পরিষেবা ম্যান্ডারিন, ক্যান্টোনিজ, কোরিয়ান, বাংলা, আরবি, এবং উর্দুতে লভ্য।
- স্কুলকে যেসব সহায়তা প্রদান করে স্কুল-পর্যায় পিতামাতা সংশ্লিষ্টতা উৎসাহিতকরণ:
- প্যারেন্ট টিচার অ্যাসোসিয়েশন প্রতিষ্ঠা
- স্কুল-পিতামাতা চুক্তি প্রণয়ন
- পিতামাতা সংশ্লিষ্টতার নীতি তৈরি
- স্কুল লিডারশিপ টিমে পিতামাতার প্রতিনিধিত্ব 50% সংরক্ষণ
- পিতামাতার স্বেচ্ছাকর্ম সর্বোচ্চ স্তরে নেয়ায় উৎসাহ প্রদান এবং সহজীকরণ

পিতামাতা সংশ্লিষ্টতার কর্মসূচি ডিস্ট্রিক্ট 26 ফ্যামিলি কোঅর্ডিনেটরস্ পরিকল্পনা এবং বাস্তবায়ন করে এবং পিতামাতাদের অধিকার এবং চাহিদা পূরণ নিশ্চিতকরণে ডিস্ট্রিক্টের কম্যুনিটি ডিস্ট্রিক্ট এডুকেশন কাউন্সিল, প্রেসিডেন্টস্ কাউন্সিল, প্যারেন্ট অ্যাসোসিয়েশনস্, এবং স্কুল লিডারশিপ টিমের সাথে সহযোগিতামূলকভাবে কাজ করে। ডিস্ট্রিক্ট 26 ফ্যামিলি কোঅর্ডিনেটরস্ এবং SDIL এইসব প্যারেন্ট গ্রুপের সাথে মিলিত হয় নিচে উল্লিখিত বিষয়ের মূল্যায়ন, পরিকল্পনা, পুনর্মূল্যায়ন, এবং উন্নতির উদ্দেশ্যে: শিক্ষানির্দেশনার কর্মসূচি আমাদের শিক্ষার্থীদের চাহিদা পূরণ করতে এবং এইসব লক্ষ্যে পৌঁছাতে আমাদের স্কুলগুলিকে সহায়তাদানে পিতামাতাগণ একটি সক্রিয় ভূমিকা রাখতে সক্ষম হন সেবিষয়টি নিশ্চিত করতে ডিস্ট্রিক্ট পিতামাতা সংশ্লিষ্টতা নীতি এবং ডিস্ট্রিক্ট কমপ্রিহেনসিভ এডুকেশন প্ল্যানের সাথে কাজ করে।

#### যোগাযোগ

পিতামাতাদের কাছে যেসব যোগাযোগের তথ্য বিতরণ করা হবে তার অন্তর্ভুক্ত কিন্তু এতেই সীমাবদ্ধ নয় সেগুলির হলো:

#### লিখিত যোগাযোগ

- ডিস্ট্রিক্ট লিডারশিপ টিম মিটিংয়ের নোটিস
- কম্যুনিটি ডিস্ট্রিক্ট এডুকেশন কাউন্সিল 22
- বিভিন্ন স্কুল এবং কর্মসূচির জন্য নির্বাচন পদ্ধতি
- স্কুল ও কর্মসূচিগুলোর আবেদনের ফরম/গৃহীত হওয়ার চিঠি
- কিন্ডারগার্টেন ও প্রি-কে রেজিস্ট্রেশন সম্পর্কিত তথ্য
- গিফটেড অ্যান্ড ট্যালেন্টেড টেস্টিং তথ্য
- মিডল স্কুলের আর্টিকুলেশন তথ্য
- শিক্ষার্থী আসনদানের নোটিস
- রেজিস্ট্রেশন ও ভর্তির তথ্য
- নতুন ভর্তি ELL-দের জন্য পিতামাতাদের অপশনের চিঠি
- বাইলিঙ্গুয়াল/ইএনএল সার্ভিস অব্যাহত/বন্ধ করে দেওয়ার নোটিস
- বিশেষ শিক্ষার অধিকার, মিটিং, হিয়ারিং পরীক্ষার অবহিতকরণ চিঠি
- প্যারেন্ট-টিচার কনফারেন্সের তারিখ
- রিপোর্ট কার্ড
- প্রমোশন/একই ক্লাসে রেখে দেওয়ার চিঠি

- অ্যাকাডেমি হস্তক্ষেপ পরিষেবার চিঠি
- সামার স্কুলের চিঠি
- সামারের অ্যাকাডেমিক ও বিনোদনমূলক কর্মসূচির তথ্য
- সাসপেনশন ও হেয়ারিং, এবং সিদ্ধান্ত গ্রহণ/থারিজের চিঠির
- শৃঙ্খলা সম্পর্কিত চিঠি
- বিকন কর্মসূচি ও বিকন কর্মসূচিতে রেজিস্ট্রেশনের তথ্য
- ডিস্ট্রিক্ট পিতামাতা কর্মশালার তথ্য
- ট্রান্সলেশন অ্যান্ড ইন্টারপ্রিটেশন ইউনিট থেকে অনুবাদ লভ্য

#### মৌখিক যোগাযোগ

- প্যারেন্ট-টিচার কনফারেন্স
- শিক্ষায় অগ্রগতি বা শৃঙ্খলাজনিত সমস্যা নিয়ে স্কুল কর্মকর্তাদের সাথে বৈঠক
- কমিটি অন স্পেশাল এডুকেশনের (CSE) টিম বৈঠক যেগুলিতে পিতামাতারা অংশ নেন
- ইমারজেন্সির নোটিফিকেশন
- পরিষেবার অনুরোধের উত্তর এবং তার ফলো আপ
- কমিউনিটি ডিস্ট্রিক্ট এডুকেশন কাউন্সিল 22
- ডিস্ট্রিক্ট-ওয়াইড পিতামাতার মিটিং
- ডিস্ট্রিক্ট লিডারশিপ টিমের মিটিং
- প্যারেন্ট অ্যাসোসিয়েশন মিটিং

#### দস্তক গ্রহণ

কমিউনিটি স্কুল ডিস্ট্রিক্ট 26- এর জন্য পিতামাতা সংশ্লিষ্টতার নীতি ডিস্ট্রিক্ট লিডারশিপ টিম এবং প্রেসিডেন্টস্ কাউন্সিলের সহযোগিতা এবং অনুমোদন নিয়ে তৈরি করা হয়েছে যা ডিস্ট্রিক্ট-ভিত্তিক মিটিংয়ের নোটিস, উপস্থিতির শিট, কার্যবিবরণী, ফিডব্যাক ফরম, এবং/অথবা ডিস্ট্রিক্ট পিতামাতা সংশ্লিষ্টতার নীতি জানানো ও আলোচনা করা হয়েছিল এমন মিটিংয়ের সমীক্ষা দ্বারা প্রমাণিত হয়। এই প্রমাণ ডিস্ট্রিক্ট অফিসের ফাইলে সংরক্ষিত থাকবে এবং সিটি, স্টেট অথবা ফেডারেল কর্মকর্তা অথবা তাদের প্রতিনিধিরা পর্যালোচনা এবং/অথবা অডিট করতে পারবেন।

এই নীতি কমিউনিটি স্কুল ডিস্ট্রিক্ট 26-এর ডিস্ট্রিক্ট লিডারশিপ টিম 1 ডিসেম্বর, 2017 তারিখে গ্রহণ করে এবং দুই বৎসরের জন্য কার্যকর থাকবে। এই নীতির চূড়ান্ত সংস্করণ ডিসিইপি-তে সংযুক্তি হিসেবে অন্তর্ভুক্ত হবে। এটি ডিস্ট্রিক্ট 26-এর পিতামাতাদের ব্যবহৃত প্রধান ভাষায় অনূদিত হবে এবং 30 জুন, 2018 তারিখে অথবা তার আগে সকল স্কুল এবং প্রেসিডেন্টস্ কাউন্সিলের কাছে বিতরণ করা হবে।